

Mundang - Sooje Derewol Masəŋ - Soldiers Scriptures

Efesien 6:10-18

- 10 Fahfal mai daŋ we fii swah jol Dəblii, ka we lwaas swah ah malii.
11 We woo fan sal mai Masəŋ moo nyi nyi we daŋ, mor ka we gak uu pəswah pel kəe Satan.
12 Mor na ka tə ruu sal ne dəfuu ya, amma na tə ruu sal ah ne tə'yak be' ne swah ah mo coksəŋ, ne goŋe, ne zaluuri, təkine swah sər mai daŋ mo pə cokfuu.
13 Mor maiko, we woo fan sal Masəŋ daŋ ge wo suu zəzəəko, ka ne cok zah'nan mabe' ah mo ge be, we gak uu pel sal pa syinj biiri. Fahfal we nii sal ah vər be, ka we so uu pə cok bii pəswahe.
14 We zyeb suu bii uu ne ko, we baŋ suu bii ne goŋga təgbana dəb moo baŋ han ne ganda, we boo njaŋ ge wo suu bii na dəb moo boo mbəro vāmme.
15 We maa təwon ma cuu 'Bə'nyah matə jam pə zahzyil bii na səbal bal biiri.
16 Cēecēe we baŋ iŋ uu ne təgbana bal ka we gak cak guu Satan mai mo tə 'nəə gin ne swahe.
17 We maa ũə təgbana dəb moo maa njok vām tətəlli, we nyin bə faa Masəŋ təgbana kafahe mai Tə'yak ye moo nyi nyi we.
18 We joŋ fan marai daŋ ne juupelle, we fii Masəŋ ka mo gbah jol biiri. We juupel cēecēe təgbana Tə'yak Masəŋ mo cuu nyi we, we byak pəsāhe, we laa gab ka. We juupel mor za Masəŋ daŋ.

Ləŋni 91:1-16

- 1 Dəb ma kaa mor cee Masəŋ mayəkki, kaa bo mor cee Masəŋ ma ne swah daŋ,
2 A gak faa nyi Dəblii: Amo ye cok muŋ nən be təkine pa byak be. Amo ye Masəŋ be, me sob suu be bo wo bo.
3 Ako yee ga ũə mo gin zah məmməə təkine syem gab daŋ.
4 Ako ye ga rii yee ah tə bo, Mo ga kaa mor cee ahe. Bə faa ah goŋga yo, A təgbana bal ruu salle.
5 Mo ka ga duu gal bə gab ma gin tə bo ne suŋ ya, 'Bəbe' ma gin ne com laŋ, mo ka duu gal ah ya ta.
6 Mo ka ga duu gal syem gab ma gin ne suŋ ya, Koo syem ma zəə za ma gin ne com laŋ, mo ka duu ya ta.
7 Koo za ujenere mo wukra kah bo, Wala za ujenere jemma mo wukra jokəsāh bo, Bə ah ka ga juu mo ya.
8 Amma mo ga kwo kiita ma ŋgonj tə za bea ne nahnen bo.
9-10 Mo ka ga zyan ne bə gab ya, Syem ma njoo yan ka ga ge tə yan bo ya ta, Mor mo faa nyi Dəblii mayəkki: Amo ye cok muŋ nən be təkine pa byak be.
11 Masəŋ ga faa nyi angeloi ah ra ka mo byakra mo tə fahlii syel bo daŋ,
12 A ga baŋra mo tə jolle, ka mo i bal tə təsal ka.
13 Mo ga kaa swah tə bol təkine sooyii daŋ, Ka ga jonra fan ki wo bo ya.

- 14 Masəŋ faa: Me ga wəə za mai mo tə 'yahra me, Me ga byak ra, Mor təra me be.
 15 Ne cok mo d̄ira me be, me ga zyii zah bəəra. Ne cok mo danra pə cok gab be,
 me ga yea ne ra gŋ, Me ga wəə ra, me ga yii ra.
 16 Me ga sob ra nən wo sərri, me ga ñə ra.

Ləŋni 18:1-51

- 1 Ləŋ David. David dəb yeb Dəblii dəə ləŋ mai yii Dəblii ne ko ne cok mai Dəblii
 mo wəə ko gin jol za syiŋ ah təkine jol Saul dan, faa:
 2 Dəblii, me 'yah mo no cam, Amo ye swah be.
 3 Dəblii ye pa ñə be, Ako ye baale be, Masəŋ be ako ye pa byak me, Ame kaa bo
 jam ne ki, A byak me təgbana balle, Ako ye pa ma ñə me ne pa byak be.
 4 Ame d̄ii Dəblii, so ñə me gin mor jol za syiŋ be. Osoko wo Dəblii!
 5 Mawul ryaŋ zah be gbə me ne salle, Wea bii ma gban me baa gee me tətəlli.
 6 Mawul ryaŋ zah be gbə me ne salle, Pal saa məmməə bo pel be.
 7 Pə bone be me d̄ii Dəblii, Me d̄ii Masəŋ be ka mo gbahko jol be, Kaa pə yan ah
 ñhaa laa kyaŋ be ge, Yee be me tə yee fii gbah jol ne ge dai sok ah be.
 8 Sər coo gərgərri, waa laŋ geri geri, Mor Masəŋ baŋ kpāh bo.
 9 Sunwii pəə gin fahvōo ah ra, Wii ma syen fan pəə pə zah ahe, Yakwii mun bo
 gŋ.
 10 Dəŋ tələə səŋ ge səŋ, So dər təl ah ge səŋ, Swāh mafuu ah mor bal ahe.
 11 Dəblii yee tə cerubim zoo ne ko tə yee zyakke.
 12 Rii suu ah ne cokfuu. Bii baa pəzyil swāh mafuu ah ryaŋ kah ah bo.
 13 Cokfāi zahpel ah mo səə be, Syaŋ ma na təsal təkine yakwii a pəə gin pəzyil
 swāh mafuu ah mo pel ah gin səŋ.
 14 Dəblii byaŋ bə coksəŋ na haŋ bamme, Masəŋ mayək byaŋ bə, za laara kyaŋ
 ahe.
 15 'Nəə guu myah za syiŋ ah ne ko, Sāh bam n̄i ra ne rək ra d̄ulli.
 16 Dəblii, ne cok mo lai za syiŋ bo ne kpāh bo, Morfil mabii səŋ pəə ge lalle,
 Wəədəə mai sər mo uu bo təl ah pəə ge lal ta.
 17 Dəblii nyen jol ah gin coksəŋ ñhaa gbə me, nəə me mor bii malii ge lalle.
 18 Ñə me gin mor jol za syiŋ be ra dan, Mor kalra me ne swah be.
 19 Ne cok me dan pə bone, ge ryaŋra zah be, Amma Dəblii ye uu ne me.
 20 Ako ye wəə me pə gab ahe, ñe me, mor a 'yah me.
 21 Dəblii soo me, mor me joŋ fan matə njaŋ, ñe me, mor me bai fabe'.
 22 Ame syee mor bə lai Dəblii, Me ka ñwookyaŋ ne Masəŋ be ya.
 23 Me gban bə lai ah ra dan, Me ka zəə tə bə faa ah ra ya.
 24 Tə be, ame ye dəb tə goŋga, Me byak suu be wo bəbe'.
 25 Dəblii soo me, mor me njaŋ, Mor tə be, ame bai fabe'.
 26 Dəblii, amo cuu suu bo mo ye Dəb tə goŋga wo za mai ara mo ne goŋga ta.
 Amo pəsāh wo za mai ara mo pəsāh ta.
 27 Amo bai bəbe' wo za mai ara mo bai bəbe' ta. Amma wo za ma ne bəbe', mo
 joŋ wo bəə təgbana bəbe' bəəra.

- 28 Amo õe za mai moo wonra suu bæra, Amma mo tær za mai moo yiira suu bæra.
- 29 Dæblii sæe cokfæi tæ be, Masæn be nñi cokfuu pel be.
- 30 Nyi swah nyi me ka ruu sal ne za syij be, Ako yee nyi swah nyi me ka nñi ra.
- 31 Yeb Masæn moo joñ a pësäh dñi nai ne? Bæ faa ah ra danj goñga yo. Masæn a tægbana bal wo za mai mo uura bo fahfal ah danj.
- 32 Dæblii ako ye Masæn vanjo to, Masæn ako ye pa byak man syak ah to.
- 33 Ako ye Masæn mai moo nyi swah nyi me, A zyeb fahlii pel be pësâhe.
- 34 Joñ bal be bo me na mæ nœminni, A byak me tægæe waa jam.
- 35 A cuu yella ruu sal nyi me, Ka me gak 'nœe sañ ne swahe.
- 36 Dæblii, amo ye tæ byak me, Mo ye tæ õe me, Gbah jol bo mo tæ gbah jol be ako ye joñ me bo pëswahe, Mor swah bo ye tæ byak me.
- 37 Amo byak me ka mo lcaa gbæra me ka, Dhaa tæ'nahko me lee ge sœn taa ya.
- 38 Ame ga foo mor za syij be, Me gbah ra, me ka uu ya, Sai ka me vœr ra danj be.
- 39 Ame ga ik ra myah ga sœn mor bal be, Ka gak urra sœn ya.
- 40 Dæblii ga nyi swah nyi me ka ruu sal ne za syij be, A ga nyi swah nyi me ka nñi ra.
- 41 Mo joñ za syij be ka mo dœura pel be kalle, me ga vœr ra.
- 42 A ga yera yee kyeb pa gbah jolle, Amma dœb ma õe ra ka yea ya. A ga dñira Dæblii, Amma Dæblii ka ga zyii zah bæer a.
- 43 Me ga lanj ra tægbana bæm mai zyak moo banj kal ne ko, Me ga ræk ra tæ fahlii ka syee tæ bæe tægbana tændænji.
- 44 Mo õe me gin jol za mai mo ñwoora kyanj, Mo banj me kan goñ bo ne tæ za sœri. Za mai me tæ ra taa ya, Zæzœko ara mor bal be.
- 45 Ne cok za gwœ mo laara bæ faa be be, a laara zah be, A keara ga sœn pel be.
- 46 Ne cok mo pœra gin bœr baale bœra, Coora coo ne galle, mor swah bæe pee be.
- 47 Dæblii no sœn, osoko pa byak be. Masæn ye pa õe be. Na yii yœk ahe.
- 48 Dæblii ye nyi swah nyi me ka me kaa kacella tæ za syij be, Ako ye tær za mai mo mor bal be,
- 49 Ako yee õe me jol za syij be. Dæblii, amo ye nyi swah nyi me kaa kacella tæ za syij be, Amo ye tæ byak me wo za mabea ahe.
- 50 Mor maiko, me ga yii mo kœsil za sœri, Me ga dœe lœj yii mo ne ko.
- 51 Masæn nyi swah nyi me goñ mai mo banj kan bo, Masæn cuu 'yah ah malii ge lal wo David mai mo nœe ko bo tækine morsœ ah ga lii ga lii.